

天津府志卷之三

星土志

星上不足據乎烏帑而周楚星紀而吳越其應若燭照數計矣星土果可據乎寧於張而占在洛流於柳而占在蜀其應又卽志說而變之矣要之志乘之例有舉莫廢矧春官保章氏之掌其最著也但人非甘石敢坐井而窺之管僅據古經及史志諸說臚之爲志俟知天者詳之志星士

周天三百六十五度四分度之一分爲十二次日月之所躔也地有十二分王侯之所國也每次三十

天津府志

卷之三 星土

一

二度三十三分之十四日至其初爲節至其中爲中氣自危十度至壁八度謂之亥韋之次立春驚蟄居之衛之分野自胃一度至畢六度謂之大梁之次清明穀雨居之趙之分野自畢六度至井十一度謂之實沈之次立夏小滿居之晉之分野自尾四度至斗六度謂之析木之次立冬小雪居之燕之分野自須女一度至危十度謂之元枵之次小小寒大寒居之齊之分野

月令
句

箕龍尾斗南斗天漢之津梁

爾雅

角亢氐兗州尾箕幽州虛危青州營室至東壁井

州鼎畢冀州

史記天官書

二十八舍主十二州斗秉兼之所從來久矣燕齊之疆侯在辰星占於虛危

上同

趙地鼎畢之分壘北有信都真定常山中山又得涿郡之高陽鄭州鄉東有廣平鉅鹿清河河間又得勃海郡之東平舒中邑文安束州成平章武河以北也南至浮水繁陽內黃斥邱西有太原定襄雲中五原上黨皆趙分也鴈門於天文別屬燕燕

地尾箕分壘也東有漁陽右北平遼西遼東西有土谷代郡鴈門南得涿郡之易容城范陽北新城

天津府志

卷之三

星土

二

故安涿縣良鄉新昌及勃海之安次皆燕分也樂浪元菟亦宜屬焉自危四度至斗六度謂之析木之次燕之分也齊地虛危之分壘也東有淄川東萊琅邪高密膠東南有泰山城陽北有千乘清河以南渤海之高樂高城重合陽信西有濟南平原皆齊分也衛地營室東壁之分壘也今之東郡及魏郡黎陽河內之野王朝歌皆衛分也

漢書地理志

赤道度周天三百六十五度四分一虛十

進

度危十

六進室十六進

壁十

進

昂十一

進

畢十六

進

尾十

八進箕十一退

黃道度三百六十五度四分一虛十

進

尾十

危十六室十八壁十昴十二畢十六尾十八箕十

後漢書
律曆志

十二次度數自尾十度至南斗十一度爲析木於
辰在寅燕之分野屬幽州費直周易分野析木起
尾九度蔡邕月令章句

析木起
尾四度自須女八度至危十五度爲元枵於辰在
子齊之分野屬青州費直起女六度
蔡邕起女一度自危十六度

至奎四度爲娵訾於辰在亥衛之分野屬并州費直起
危十四度蔡邕起危十度

自胃七度至畢十一度爲大梁於
辰在酉趙之分野屬冀州費直起婁十度
蔡邕起胃一度自畢十二度至東井十五度爲實沈於辰在申魏之分野

天津府志

卷之三 星土

屬益州

費直起畢九度蔡邕起
晉書天文志

州郡躔次陳卓范蠡鬼谷先生張良諸葛亮譙周
京房張衡竝云尾箕燕幽州涼州入箕中十度上
谷入尾一度漁陽入尼三度右北平入尾七度西
河上郡北地遼西東入尾十度涿郡入尾十六度
渤海入箕一度樂浪入箕三度元菟入箕六度廣
陽入箕九度盧危齊青州齊國入虛六度北海入
虛九度濟南入危一度樂安入危四度東萊入危
九度平原入危十一度淄川入危十四度營室東
壁衛并州安定入營室一度天水入營室八度隴

酉入營室四度酒泉入營室十一度張掖入營室

十二度武都入東壁一度金城入東壁四度武威

入東壁六度敦煌入東壁八度昴畢趙冀州魏郡

入昴一度鉅鹿入昴三度常山入昴五度廣平入

昴七度中山入昴一度清河入昴九度信都入畢

三度趙郡入畢八度安平入畢四度河間入畢十

度真定入畢十三度

同上

辰星曰北方冬水主燕趙又爲燕趙代

同上

尾亦爲九子箕亦曰天津一曰天雞主八風虛二
星冢宰之官也主北方危三星主天府天庫營室

天津府志

卷之三

星土

四

二星天子之宮也一曰元宮一曰清廟又爲軍糧
之府及士功事東壁二星主文章天下圖書之秘
府也主土功昴七星天之耳目也主西方又爲旄
頭昴畢間爲天街天子出旄頭畢以前驅此其
義也畢八星主邊兵主弋獵

隋書天文志

冀州於古堯之都也舜分州爲十二冀州析置幽
并其於天文自胃七度至畢十一度爲大梁屬冀
州自尾十度至南斗十一度爲析木屬幽州自危
十六度至奎四度爲娵訾屬并州准之星次本皆

冀州之域帝居所在故其界尤大

隋書地理志

地

析木爲雲漢末派山河極焉故其分野自北河泰

派窮北紀之曲東北負海爲析木負海者以其雲

漢之陰也

唐書天文志

大梁析木以負北海其神主於恒山辰星位焉

同上

須女虛危元枵也初須女五度餘二千三百七十四秒四少中虛九度終危十一度其分野自濟北東踰濟水涉平陰至於山茌循岱岳衆山之陰東南及高密又東盡萊夷之地得漢北海千乘淄川濟南齊郡及平原渤海九河故道之南濱於碣石古齊紀祝淳於萊譚寒及斟尋有過有鬲蒲姑氏

天津府志

卷之三

星土

五

之國其地得娵訾之下流自濟東達於河外故其象著爲天津絕雲漢之陽凡司人之星與郡臣之錄皆主虛危故岱宗爲十二諸侯受命府又下流得婺女當九河末派比於星紀與吳越同占營室東壁娵訾也初危十三度餘二千九百三十六秒一太中營室十二度終奎一度自王星太行而東得漢河內至北紀之東隅北負漳鄴東及館陶聊城又自河濟之交涉滎波濱濟水而東郡東郡之地古鄖鄼衛凡胙邦雍共微觀南燕昆吾豕韋之國自閻道王良至東壁在豕韋爲上流當河內及

漳鄴之南得山河之會爲離宮又循河濟而東接

元枵爲營室之分胃昴畢大梁也初胃四度餘二

千五百四十九秒八太中昴六度終畢九度自魏

郡濁漳之北得漢趙國廣平鉅鹿常山東及清河

信都北據中山真定全趙之分又北逾衆山盡代

郡鴈門雲中定襄之地北紀之東陽表裏山河以

藩屏中國爲畢分循北河之表西盡塞垣皆旄頭

故地爲昴分冀之北土馬牧之所蕃庶故天苑之

象存焉尾箕析木津也初尾七度餘二千七百五

十秒二十一少中箕五度終南斗八度自渤海九

天津府志

卷之三

星土

六

河之北得漢河間涿郡廣陽及上谷漁陽右北平

遼西遼東樂浪元菟古北燕孤竹無終之國尾得

雲漢之末派龜魚麗焉當九河之下流濱於渤海

皆北紀之所窮也箕與南斗相近爲遼水之陽盡

朝鮮三韓之地在吳越東南同上

河北道蓋古冀幽二州之境漢河內魏渤海清河

平原常山上谷涿漁陽右北平遼西真定中山信

都河間廣陽等郡國又參有東郡河東上黨鉅鹿

之地孟懷檀衛及魏博相之南境爲娵訾分邢洛

恩貝冀深趙鎮定及魏博相之北境爲大梁分滄

景德爲元榜分瀛莫幽易涿平媯檀薊營安東爲

析木津分

唐書地理志

河南道蓋古豫充青徐之域青淄密登萊齊棣爲

元榜分

同

北斗七星在太微北三曰璣爲人主火其分爲梁漢志主冀州五曰玉衡爲音主土其分爲燕漢志主兗州六曰闔陽爲律主水其分爲趙漢志主揚州七曰搖光爲星主金其分爲齊漢志主豫州又曰一至四爲魁魁爲璇璣五至七爲杓杓爲玉衡是爲七政第八曰弼星在第七星右不見漢志主

天津府志

卷之三

星土

七

幽州第九曰輔星在第六星左常見漢志主并州晉志輔星傅乎闔陽所以佐斗成功丞相之象也其色在春青黃在夏赤黃秋爲白黃冬爲黑黃宋史

天文志

三台六星兩兩而居起文昌列抵大微西近文昌二星曰上臺爲司命主壽次二星曰中臺爲司中主宗室東二星曰下臺爲司祿主兵又曰上臺上星主兗豫下星主荆揚中臺上星主梁雍下星主冀下臺上星主青下星主徐同天市垣二十二星在氐房心尾箕斗內宮之內東

蕃十一星三曰燕七曰齊八曰中山九曰九河十
曰趙十一曰魏西蕃十一星三曰梁九曰晉十曰

河間同上

十二國十六宿在牛女南近九坎各分土居列國

之象九坎之東一星曰齊齊北二星曰趙秦南一

星曰代代西一星曰晉韓北一星曰魏楚南一星

曰燕南隱居曰趙二星在鄭南燕一星在楚南晉

一星在代北代二星在秦南齊一星在燕東同上

黃道宿度虛十

秒六十四危十七

太室十七壁九昴十

一畢十六尾十七箕十

宋史律曆志

天津府志

卷之三

星土

八

野旅寅野謂星野旅謂躔次寅者辰舍東方之位
燕分析津之所也

遼史國語解

黃道宿度尾十七

九十五

箕九

五十

虛九

九十九

危十

五十九室十八

三十五

壁九

三十四

昴十一

十八

畢十六

史歷志

元

黃道十二次宿度危十二度六十四分九十一秒
入娵訾之次辰在亥畢六度八十八分五秒入實
沈之次辰在申尾三度一分一十五秒入析木之

次辰在寅

同上

太陽黃道十二次入宮宿度危十三度三十九分

五十九秒外入衛分娵訾之次辰在亥畢七度九

十六分六秒外入晉分實沈之次辰在申尾三度

九十七分七十二秒外入燕分析木之次辰在寅

同上

星分度尾十八箕十一四分一虛十危十七營室

十六東壁九昴十一畢十六

淮南鴻烈天文訓

甲齊戊魏壬衛辰晉巳衛申齊戌趙亥燕

同上

自婺女八度至尾十六度曰元枵之次一名天蠶
於辰在子謂之困敦於律爲大呂斗建在丑今齊
分野自危十七度至奎四度曰豕韋之次一名娵

卷之三

星土

九

未津府志

訾於辰在亥謂之大淵獻於律爲太簇斗建在寅
今衛分野自胃七度至畢十一度曰大梁之次於
辰在酉謂之作噩於律爲姑洗斗建在辰今趙分
野自畢十二度至東井十五度曰實沈之次於辰
在申謂之娵訾於律爲中呂斗建在巳今晉魏分
野自尾十度至斗七度百三十五分而終曰析木
之次於辰在寅謂之攝提格於律爲應鍾斗建在

亥今燕分野

帝王世紀

劉基曰纏黃道分野云南皮鹽山慶雲入箕二度分

其在天籥星之中間箕東北尾之北以上六尺許冬至太陽之所躔也

東光故城滄州

入箕二度

其分布箕左舌之上六尺當天籥之西星

吳橋景州寧津興

濟入箕一度

其分在箕西北星上六尺天籥之西

以上俱見青田分

野中入箕而尾黃漸衍而南凡六十年測準一次改橫度不改縱度漢留侯二十八宿分野滄州東

光慶雲南皮阜城鹽山入箕一度

其分在箕中間

歷古今不變但見留侯分野書中今爲之確指實

在固敢遊移其星屬事類分野水星有變在六乙五辰日及變於本郡州度數中者則本郡當之餘則名北斗所管本郡之屬若天子有會同征伐之事用之以占他則應九州殊口北一星管本郡之

天津府志

卷之三 星土

十

阤塞關梁出奇間道之時用之以占不然則否五車所管本郡之屬轉輸兵餉之際用之以占不然則否須女下十二國星羣雄轉輸之時用之以占外此則否以上因事而占各有專屬以日辰干支分定東南西北及中央凡三法者約之以閏月量之以勾股準之以表率界之以縱橫度數其不如者寡矣

河間府志

古之人有以大河斷兩戒者天猶卵也經星之次環其四周銀河之所界者半其餘則天市太微位焉故二十八舍其附於河者三之二沿之河以分

其勢稽紫宮以定其餘有條有次故秦雖西而位
坤維之鶴首雲漢之升雨戒之道也吳雖東南而
之曲故以末派之析木爲燕蓋星河之流起於井
終於箕則南者反北北者反南矣

庸齋
藁

布度定紀布州繫象雍屬魁冀屬樞充青屬機徐
揚屬權荆屬衡梁屬開陽豫屬瑤光

廣雅

九州十二域或繫之北斗或繫之二十八宿或繫
之五星冀主樞此繫之北斗者也析木燕此繫之
二十八宿者也辰星主燕趙代此繫之五星者也

天津府志

卷之三

星土

十一

地理
通釋

天有十二次地有九州以此九州當彼十二次周
禮雖云皆有分星不知其分孰分之也星紀在於
東北吳越實在東南魯衛東方諸侯遙屬戌亥之
次又三家分晉方始有趙而韓魏無分趙獨有之
漢書地理志分郡國以配諸次其地分或多或少
鶡首極多鶡火甚狹徒以相傳爲說其源不可得
而聞之或有災祥而爲占者多得其效蓋古之聖
哲有以度知非後人所能測也

左傳
疏

張文德考疑曰按河間地錯燕齊趙三國之交稽古

以星分野尙矣而義有不盡於辰次者如北

衡主趙開陽主燕瑤光主齊五車東北一星主燕

趙中台下一星主冀州須女下十二國星齊一星

在九坎之東齊北二星爲趙又燕一星與趙對峙

天市垣西藩第十星曰河間東藩第九星曰九河

夫瀛非九河故道乎非冀之遺封乎非燕齊趙分壤乎是皆可以廣瀛之占而不拘於辰次者且測

驗家以一度約三千里今計郡國大者不能當半度而列宿大者幾三十度乃欲以一郡擬一次不

亦過乎此分野之說儒者頗疑之而河間之分尤

天津府志

卷之三 星土

三

有可疑者法以析木占燕元枵占齊大梁占趙夫三國之地相隣三國星次不相近析木去元枵越一次去大梁隔四次則愈遠矣然猶各分其土各占其國其異次而占猶可說也今合燕齊趙寃境置河間府地爲一郡之地星非一次之星何所據乎考古分野多推漢書爲詳漢以高樂重合爲齊分以武垣章武爲趙分及考漢地志武垣省入河間章武有鹽官近千童廢縣在鹽山重合在滄州高樂在南皮夫武垣在高樂之西爲趙分矣高樂爲齊分章武越在高樂之東而反屬趙於理安乎

或謂堅止據舊文而未躬履其地也惟唐法象志
頗有可觀者唐以兩戒分山河以斗爲綱以雲漢
爲紀箕尾爲北紀之窮居天之艮而箕列天漢有
津梁之義亦曰天津下達於地以太華與終南爲
地絡渤海爲絡尾渤海負海居地之寅亦處津洳
故上應天津而占箕尾且考古占書桓公霸齊五
星聚於箕唐天寶間幽薊首事五星亦聚於箕是
以法象及占書考之箕尾占瀛或有符者如必欲
分占之則以滄景二州及近州治者用占箕宿兼
女虛以府治及近府者占尾宿而帶女庶幾近之

天津府志

卷之三

星土

三

蓋女本越分渤海瀕海亦有楊越之象且須女上
列天津而西近天市可謂之滄或不斧焉上分
野詳於漢漢以斗牛紀星謂黃道初度萬物取揆
焉今計黃道漸始於尾故唐之分野稍異漢而宋
元稍異唐百世後宋元諸占又不無少戾者卽箕
尾於瀛寧可久泥乎大抵占主儆戒一星失次執
政惕之非謂此可修省彼可厭忽也

河間府志

宣城王奐曰天之距地蓋八萬四千由旬云觀察者
必欲比而合之實難徵矣雖然上下未分沆瀣誤
蕩本同一體迨乎清質旣升天之溼氣沉而爲地

由是奎之精降爲東海軫之精降爲長沙塊析條分各有攸屬夫何難之有哉嘗習天文禁本及乙巳諸占大槩分野有三術一曰躔黃道之分野明誠意伯所測定者是一二十八宿之分野漢留候所割劃者是一星屬事類之分野五星五車北斗十二諸國二十二藩之列是各因時而占候焉夫日躔黃道之分野猶之普天之土總隸於君者也二十八宿之分野猶之衆建諸侯各君其國者也星屬事類之分野猶之六官九卿各率其屬分司疆宇者也余憫譚天者家捫燭揣盤懸空臆說不

天津府志

卷之三星土

古

惜秘本以公諸世雖髻珠金針未盡輕度循此推之思過半矣同上